




Avannaata
Kommunia

AVANNAATA KOMMUNIA

Inuit Innarluutillit pillugit politikki

2026-mit 2029-mut



Indhold

Siulequt.....	3
Aallaqqaasiut	3
Takorluugaq.....	5
Innuttaasooq qitiutillugu	6
Innuttaasunik peqataatitsineq	6
Suliat akimorlugit tamakkiisumik isiginnilluni suliamik isumaginninneq:	6
Innarluutilinnut siunnersuisoqatigiit	7
Suliamut piginnaasat	7
Anguniakkat.....	7
Nammineerluni inuunermik ukkassilluarneq.....	8
Tapiiffigineqarnissamut periarfissat	8
Ineqarneq	8
Paasissutissiineq	9
Anguniakkat.....	9
Peqataatitsineq inuunerinnerlu	10
Tikikkuminassuseq.....	10
Suliffeqarneq	10
Ilinniarneq.....	11
Siunnersoqatigiit maleruaqqusaq.....	11
Anguniakkat.....	11

Siulequt:

Avannaata kommuniani Inuit innarluutillit pillugit politikkiata anguniangaraa, qanorluunniit inuit innarluutillit inissisimagaluarunik pitsaassusilimmik naleqartumik inuuneqarnissaat. Avannaata Kommuniani piffissami 2026-2029 innarluutillit pillugit suliniuteqarniarnermi sinaakkutissat takusassiarineqarput. Politikkeqarnermi siunertaavoq, innuttaasut kommunimilu sulisut akornanni suleqatigiinneq pitsaasumik toqqammavississallugu, taamatullu aamma suliaasaqarfiup iluani sulinermi sulianik isumaginninnermi, suliniuteqarnernilu. Politikki aamma atuutissaaq suliaasaqarfimmi sulisunut aalajangiisartunullu najoqqutassiatut. Inuit innarluutillit pillugit suliaasaqarfiup iluani iliuusissanik pilersaarummik suliaqartoqarumaarpoq.

Politikkimi aallaavigineqarpoq kommunip pilersaarutitut periusissiaa 2023-ersoq. Taamatuttaaq toqqammavigine-qarpoq FN-ip innarluutillit pillugit isumaqatigiissusiaa, Inuit innarluutillit tapersorsorneqarnissaannut Inatsisartut inatsisaat nr. 13. 21. juni 2019-imeersoq, allaguut Nr. 5. 19.novembari 2021- imeersoq ilitersuutaa ilanngullugu, kiisalu Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq, ilitersuutaa ilanngullugu.

Taamatuttaaq innarluuteqarneq pillugu ilisimasat nutaat ilisimatusarnerlu najoqqutassarsiorfigineqarsimapput inuit innarluutillit pillugit politikkip suliarineqarnerani.

Politikkimi pingasunut immikkut agguarnerilu taakkulu immikkoortunut inissinneqarput iluini aamma immik-koortortaalarisorneqarsimallutik, quppernerit tulliini itisilerneqartussanik.

Taakku immikkut ukkatarineqartussat ukuupput:

- Innuttaasoq qitiutillugu
- Nammineq inuunermik ukkassilluarneq
- Peqataatitsineq inuunerinnerlu

Aallaqqaasiut:

Inuit innarluuteqarnerup iluani kommunip innuttaasut sullitai assigiinngitsunik piginnaanikillisasunik innarluuteqarput, taamatullu assigiinngitsunik pisariaqartitsillutik. Sullinneqartussat tamakku imatut allaaserineqarput:

”Inunnut innarluutilinnut Kalaallit Nunaanni najugaqartunut, ataavartumik timikkut, tarnikkut, silassoris-sutsikkut imaluunniit malugisaqarsinnaanikkut piginnaanikillisasut, aporfiillu assigiinngitsut sunniivige-qatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut.” (Inuit innarluutillit tapersorsorneqarnissaannut Inatsisartut inatsisaat nr. 13, 21. juni 2019-imeersumi § 6). kingornalu allannguuteqartumi.

Avannaata Kommuniata innuttaasut innarluutillit siunnersuineramik, ilitersuineramik tapersersuinermillu neqerorfigai peqatigitillugulu kommunip suliniutigalugu innuttaasut innarluutillit inuiaqatigiinni peqataanissaminut eqqortunik periarfissaqarnissaat.

pingaarutilerujussuuvoq qulakkiissallugu, tapersersuineq ikiuinerlu aallartinneqartut, innuttaasup pisariaqartitaanit aallaaveqarnissaat. Innuttaasut innarluuteqaralarunilluunniit, sapinngisartik naapertorlugu, periarfissaqartariaqarput namminneq nukiminnik periarfissaminnullu atuinissaminnut. Inuiaqatigiinni tusaaneqartutut peqataatinneqartutullu misigisimasariaqarput, sulianik ingerlatsisuni isumassuisunilu imminnut tunngasunik aalajangersaasoqartillugu.

Innuttaasut innarluuteqarnertik apeqqutaatinnagu, sapinngisamik qulakkeerunneqassapput allat piginnaati-taaffiisa periarfissaasalu assigninik, makku pineqartillugit, nammineq inuunerisamut akisussaaffeqassallutik, qinigassinneqassallutik inuiaqatigiinnilu sunniuteqaqataassallutik. Taamatullu tunngavissikkumallugu innuttaasut innarluuteqartut inuunertik pillugu qanorlu inooriaaseqarnissartik pillugu namminneerlutik aalajangersinnaanissaat, sapinngisamik nammineerlutik inuunerminnik ingerlatsisinnaanissaat, innarluuteqarnermut tunngatillugu piginnaatitaaffiit periarfissallu pillugit qaammarsaavigineqarlutillu paasisitsiniaaffigineqarnissaat ukkatarineqassaaq.

Kommunip suliniutigissavaa suliassa qarfiup immikkoortinneqarnani isumagissasanut allanut peqataasutut isigineqarnissaa tunngaviummik sorlanitseqqullugu.

Tamanna isumaqarpoq, Kommunip isumagissagaa, politikkiliornermi, pilersaarusiornermi allaffissornikkullu ingerlatsinermi politikkeqarfinni tamani innarluuteqarnerup ilanngullugu eqqarsaatigineqartarnissaa. Taamatut tunngaveqarluni sulinerup inuit innarluutillit misigisissavai peqataatinneqarnermik annerusumik, aammalu Avannaata Kommuniata innuttaasut ineriartortinneqarneranni peqataanissaminnut pitsaannerusumik periarfissaqalernerannik.

Inuttut ineriartornissamut inuiaqatigiinnilu peqataatinneqartutut misigisimaneq pingaarutilerujussuuvoq inuup pitsaasumik inuuneqarnissaanut imminullu naleqartittutut misiginissaanut. Taamaattumik isumalerujussuuvoq inuiaqatigiinni periarfissat ima aaqqissuunneqarsimanissaat, innuttaasunit innarluuteqarnertik apeqqutaatinnagu peqataaffigineqarsinnaassallutik. Taamatullu pingaaruteqartigaaq innuttaasut innarluuteqarneq pillugu ilisimasaqanngitsut qaammarsaavigissallugit, timikkut tarnikkullu innarluuteqarluni inuuneq pillugu, inuiaqatigiinni assigniingisitsinnaaneq annikillisarumallugu.

Kommunip aallaavigaa innuttaasut innarluuteqartut kommunimi sumi najugaqarnertik apeqqutaatinnagu assigniimmik periarfissaqarnissaat. Issittumiinneq, inoqarfinni ataasiakkaani periarfissat atugas-sarititaasullu tamatigut isiginiarneqartarput, nutaanik suliassanik aalajangiisoqalersillugu. Isumalerujussuuvoq aaqqiissutiginiakkat najukkani ataasiakkaani pisariaqartinneqartunut naapertuunnissaat, aammalu kommuni tamakkerlugu pisariaqartitsineq matumani eqqarsaatigalugu.

Takorluugaq:

Kommunip innarluuteqarnerup tungaatigut takorluugaraa, inuit innarluutillit allat assigalugit inuiaqatigiinni periarfissaqarnissaat. Innuttaasut namminneq nukissatik iluaqutigalugit inuunermillu sapinngisamik annerpaamik nammineerfiusumik periarfissaqarnissaat annertusarneqassaaq, tamatumani ilanngullugu innuttaasut innarluutillit inuiaqatigiinni inuiaqatigiillu assigiinngitsutigut ataatsimoorfissarpassuini peqataasinnaanissaat.

Innarluuteqarnerup iluani Avannaata Kommuniata suliniutigerusuppaa innuttaasut suleqatigisallu akornanni piujuartussanik attaveqatigiittoqarnissaa, inunnut tarnikkut timikkullu innarluutilinnut iluaqutaasumik.

Innuttaasoq qitiutillugu

Innuttaasunik peqataatsineq:

Innuttaasup innarluutillip eqqortumik ikiorneqarnissaa tapersersorneqarnissaalu qulakkeerniarlugit suliamik isumaginninneq innuttaasup sapinngisaa unammilligassaasullu aallaavigalugit ingerlanneqassaaq. Innuttaasup kommunillu akornanni suleqatigiinneq naligiiffiusumik ataqpeqatigiiffiusumillu pissaaq. Innuttaasumik oqaloqateqarneq pingaaruteqarpoq, suleqatigiinnermullu isumalerujussuuvog innuttaasup tusarnaarneqartutut paasineqartutullu misigisimanissaa. Innuttaasoq sapinngisamik annerpaamik kiffaanngissuseqarluni inuunissaminut piginnaatitaavoq. Innuttaasup nammineq inuunerminut akisussaaqataanerata aqutissiuunnissaa pingaartuuvog, inuuneranut inooriaasianullu aalajangeeqataatinneratigut. Anguniarneqassaaq innuttaasut innarluutillit namminiussuseqartutut inatsisitigullu illersugaasutut suliamik isumaginnittumik naapitsinerminni imminnorpiaq tunngasuni ikiorsiiniarnermi siunnersorneqassallutik, ilitersorneqassallutillu piginnatitaaffitik periarfissatillu kommunimiit allaninngaaniilluunniit, ikiorneqarnissamik tunngasutigut. Aaqqiissutisat ikiorsiinissallu pineqartumut naapertuutissapput. Nalilersuinerni aalajangiinernilu innuttaasup isumai ilaatinneqassapput, kiisalu isumaginninnermi suliassani ilisimasat inatsisillu nutaanerpaat tunngavigineqassallutik.

Innuttaasup qanigisai attaveqarfiilu innuttaasup inuunerani pingaaruteqakkajupput. Innuttaasup kissaateqarnera naapertorlugu taakku suliamik isumaginninnerup ingerlanerani suleqataasussaapput pingaarutillit, kiisalu kingusinnerusukkut innuttaasumut ikiorsiissutissat eqqarsaatigalugu. Qanigisaasunit innuttaasup toqqiissimaney, pisariaqartitamik oqariartuuteqarnermini tapersersorneqarneq pissarsiarisinnaavaa, kissaatit inuunermilu angorusutat ilanngullugit.

Suliat akimorlugit tamakkiisumik isiginnilluni suliamik isumaginninneq:

Innuttaasut innarluutillit amerlapput assigiinngitsunut attaveqarlutillu assigiinngitsunit arlalinnit ikiorsiissutiniq pissarsisartut. Isumalerujuuvog ikiorsiissutit ataqatigiissaakkamik tamakkiisumillu isiginnilluni tunniunneqartarnissaat, tamanna innuttaasumut paasiuminarnerussaaq. Avannaata Kommuniata kissaatigaa innuttaasoq pillugu suliap ingerlanneqarnera ikiorserniarneqarneralu tamakkiisumik isiginnilluni isumagineqassasoq. Tamanna anguniarlugu pisariaqarpoq kommunip avataatigut sullissisut assigiinngitsut innuttaasumik aamma sullissiniartut suliaqarfitik akimorlugit suleqatigiinnissaat. Innuttaasumut pingaartuuvog misigissallugu sullinneqarneq suleqatigiiffiusumik ataqatigiissaakkamillu ingerlanneqartoq, tamannami aamma pineqartumut pitsaannerusumik sunniuteqaqataasinnaammat.

Suliaqarfiit akimorlugit tamakkiisumillu isiginnilluni sullissinermi ilanngullugu eqqarsaatigineqassaaq, innuttaasup inuunermini nikeriarfiit pingaarutillit eqaatsumik akornuteqanngitsumillu ikaarsaariarfigisassagai, nammineq qanigisaasullu toqqiissimanissaat pillugu, soorlu meeraanerminit inersimasunngornerminut, meeqquerivimmit atuarfimmu, nammineq najukkaminut najugaqaqatigiiffimmut il.il. Pingaartumik meeraanerani inersimasun-

ngorneranut ikaarsaariarfimmi piffissaagallartillugu tamakkiisumik isiginnilluni pilersaarusiuunneqarsimanissaa pingaaruteqarpoq, sapinngisamik namminiussuseqarluni inersimasuunissaa siunissaqarnissaalu pillugit.

Innarluutilinnut siunnersuisoqatigiit:

Kommuni inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imi § 69 naapertorlugu Inunnut innarluutilinnut siunnersuisoqatigiinnik pilersitsissaaq. Inunnut innarluutilinnut siunnersuisoqatigiit ilaasortaata katitigaassapput inuit innarluutillit peqatigiiffiit kommunalbestyrelsimilu soqutigisat amerlaqatigiissillugit. Kommunip kissaatigaa inuit innarluutillit peqatigiiffii suleqatiginerulerlugillu attaveqarfiginerulernissaat, kommunimi inunnut innarluutilinnut tunngasuni aalajangersaasoqartillugu innuttaasut innarluutillit nipaata ersarinneruleqqullugu. Siunnersuisoqatigiit attaveqaataassapput innuttaasut, inuit innarluutillit peqatigiiffiisa, pisortaqaarfiit aamma kommunalbestyrelsip akornanni. Siunnersuisoqatigiit suliasaraat siunnersuisuussalluni suliniuteqarnernilu aallartitseqataasartussaassalluni innarluutillit pillugit apeqqutini pisortaqaarfiit naalakkersuinikkullu suliasaqaarfiit akimorlugit.

Suliamut piginnaasat:

Inunnut innarluutilinnut suliasanik isumaginnittut suliasarpasut suliasarivaat, ilaatigut amerlasooriarlutik oqimaassin-naasaqisut, innuttaasoq qitiutillugu sullissinnaassallugu, suliasanullu piginnaaneqarluinnartuusariaqarput inunnik perorsaanermut isumaginninnermullu tunngasutigut. Pisariaqarnera periarfissaqarneralu naapertorlugu sulisunik ilitersuinerneq ilinniaqqinnissamullu periarfissanik assigiinngitsunik qaffasissusilinnik assigiinngitsunillu imalinnik kommuni neqerooruteqartassaaq. Kommuni suliffigissallugu kajuminnartuussaaq, sulisussarsiornerlu pillugu sulisooreersunillu piginnaasaqarluartunik tigumminiinnarsinnaaneq siunertaralugu periusissiorortoqassalluni, (Kommunimi periussiorluni pilersaarusiornissamut atatillugu). Kiisalu qulakkeerinnitto-qassaaq, sulianik isumaginninnermi isumassuinnermillu suliaqarnermi isumaginninnermut suliasat aamma perorsaanermi ajornartorsiutaasinnaasut pillugit ulluinnarni sulisut siunnersorneqarnissamik, isumasioqate-qarnissamik ilitersorneqarnissamillu periarfissaqarnissaat.

Anguniakkat:

- Innuttaasut innarluutillit sapinngisaat aallaavigalugit peqataatinneqassapput, aalajangiisoqartillugu taassuma inuunera inuunermillu ingerlatsinera pillugit.
- Suliamik isumaginninnermi innuttaasup qanigisaasa attaveqaataasalu peqataatinneqarnissaat, tamanna innuttaasup kissaateqarnera naapertorlugu.
- Suliamik isumaginninnerit ataqatigiissaagaallutillu tamakkiisumik isiginninneq toqqammavigalugu ingerlanneqartut innuttaasut misigisinnaassavaat, innuttaasullu inuunerani pingaarutilinnik erseqqissitsisuussallutik.
- Suliasamik isumaginninnermi suliasaqaarfiit akimorlugit sulinissaq eqqarsarnissarlu.
- Innuttaasumut suliniutaasut imminnut ataqatigiinnissaat.
- Inunnik innarluutilinnik sullissinnermi suliaqartut suliamut atatillugu pisariaqartunik piginnaasaqarnissaat.
- Innarluutillit peqatigiiffiit suleqateqarnerup nukittorsarnissaa.

Nammineerluni inuunermik ukkassilluarneq

Tapiiffigineqarnissamut periarfissat:

Innuttaasut innarluutillit innarluuteqarnertik pillugu piginnaanikillimasut illuatungivigineqassapput, sapinngisamik namminneq kiffaanngissuseqarlutik inuuneqarnissamut, kiisalu namminneq atukkatik periarfissatillu iluaqutigalugit, inuuneqarnissaat anguniarneqassaaq.

Avannaata Kommuni kissaatigaa toqqavississallugu, innuttaasup innarluutillip peqataatinneqarluni nammineerluni inuunermik nuannarisaqarluni ukkassilluarsinnaanissaa, innuttaasup eqqortumik siunnersorneqarneratigut, ilitserorneqarneratigut piffissarlu eqqortoq atorlugu ikiorserneqarneratigut. Ikorsiinissamut periarfissat qaffasissumik pitsaassuseqassapput, innuttaasullu ineriartorneranik pisariaqartitaasalu allanngornerinik malinnaasuussallutik.

Anguniarneqassaaq perorsaanerup inunnillu isumaginninnerup tungaatigut sullissineq pinaveersaartitsinermik alimasissumillu isiginninnermik ukkassinertaqassasut, pinngitsoortinniarlugu isumaginninnerup, timikkut tarnikkullu ajornartorsiutit tungaatigut nutaanik pilersaqarnissaa, imaluunniit atugaareersunik ajornerulersoqannginnissaa qannginissaa.

Innarluuteqarneq pillugu politikkiliornermut atatillugu ikorsiisarnerni ataasiakkaani pitsaassutsikkut ileqqorineqartussat suliarineqassapput, taamaalilluni innuttaasut innarluutillit ikiorserneqarnissamik periarfissaannik piginnaatitaaffiinillu erseqqissaavigineqassallutik, ilanngullugu ikiorserneqassagaanni suut piumasaqaataa-nersut.

Ineqarneq:

Pingaartorujussuuvoq ineqariaatsit innuttaasunut innarluutilinnut kommunimit neqeroorutigineqartut pineqartunut pisariaqartitaannullu naleqqussarsimaneqarnissaat. Kommunip anguniarpaa periarfissaalersikkumallugu innuttaasut innarluutillit namminerisaminnik angerlarsimaffiminniiginnarusuttut tamarmik periarfissaqalernissaat. Tamanna inunnut amerlanerpaanut inuunerissuunissaaq eqqarsaatigalugu isumalerujussuuvoq, toqqissimaffigisamik avatangiiseqarnissaaq, najugaqarfik ilisarimasaaq, qanigisat attaveqarfigisartakkallu qanilugit.

Nammineq najugarisami inuuneq inuunermillu ingerlatsineq nammineq sapinngisaaq aallaavigalugu periarfissarineqassaaq innuttaasumullu innarluutilimmut ataqqinartumik periarfissaatinneqassaaq. Taamaammat pisariaqarpoq eqqortumik ikorsiisoqarnissaa, atortorissaaruteqarnissaa, ilaatigullu najugarisamik allanngortitsisoqartarnissaa, taamaaliornikkut innuttaasooq ikorfartorusullugu inuunini nammineerfigalugu nuannersumik imaqtartumillu atugaqarsinnaqqullugu atugaqarsinnaanissaaq.

Ikiorssiinermi angerlarsimaffigisaq naammattumik pitsaassuseqalersinneqarsinnaanngippat kommunip najugaqarfissamik allamik neqerooruteqassaaq, innuttaasup pisariaqartitsineranut aningaasatigullu periarfissaqarneranut naapertuuttumik.

Kommunenip najugaqarfissatut periarfissai allat najugaqatigiiffiillu inuiaqatigiit pisariaqartitaannut naapertuuttumik inerisarneqartuartariaqarput.

Paasisutissiineq:

Innuttaasut innarluutillit piginnaatitaaffii, pinaveersaartitsineq peqqinnerulernissarluni siunertaralugu suliniutit pillugit qaammarsaaneq paasisitsiniaanerlu inerisarneqassapput annertusarneqarlutillu, inuiaqatigiit akornanni, kisianni aamma sulianik isumaginninnerni ataasiakkaani. Anguniarneqassaaq paasisitsiniaanermi qaammarsaanermilu innarluuteqarluni inuunerup qanorlu kinguneqartarnera pillugu innuttaaqataasut tungaannut annertusarneqarnissaa, taamaaliornikkut paasisimasaqarneq annerulerseqqullugu assigiinngisitsinerlu annikinnerulersillugu, inuiaqatigiinni inuit ataatsimoorfiini assigiinngitsuni.

Anguniakkat:

- Innuttaasut innarluutillit sapinngisamik nammineq inuuneqarnissamut sapinngisamillu qaffasissumik pitsaassusilimmik inuuneqarnissamut eqqortumik siunnersorneqarlutik, ilitersorneqarlutillu taper-sersorneqassapput.
- Suliamik isumaginninnermi pinaveersaartitsineq siammasissumillu isiginninneq eqqarsaatigineqassap-put.
- Tapiiffigineqarsinnaanermut periarfissat pillugit sullissinnermi pitsaassutsikkut ileqqussanik suliaqartoqarumaarpoq.
- Innuttaasut amerlanerpaat, namminerisaminnik angerlarsimaffiminniiginnarumasut tamatumingga periarfissaqartinnissaat.
- Innuttaasut innarluutillit innarluuteqarnerup iluani piginnaatitaaffitik periarfissatillu ilisimassagaat.
- Innuttaasut innarluutillit innarluuteqarnertik pissutigalugu assigiinngisitaasutut immikkoortinneqartutullu misigitinneqassanngitsut.
- Innuttaaqataasut allat innarluuteqarluni inuuneq pillugu paasisimasaqarnerulernissaat.

Peqataatitsineq inuunerinnerlu

Tikikkuminassuseq:

Avannaata Kommuniata kissaatigaa, kommuneqarfiup iluani inoqarfinni inuuttaasut tamarmik periarfissaqassasut peqataanissamut inuiaqatigiinnullu pilersueqataanissamut periarfissaqarnissaat. Inuit katersuuffiini namminerlu soqutigisat ukkannissaannut periarfissaqassaaq. Inuit innarluuteqarnertik pissutigalugu mattuteqqappata tamanna timikkut eqqarsartaatsikkullu kingunerluuteqartitsisinnaavoq. Inuit akornanniinneq toqqamaviliisuusarpoq inuttut ineriartornissamut, inuttut peqqissuunissamut inuunerissaarnissamullu, toqqammaviliisuusarpoq.

Taamaattumik tamanna ilaatigut pissutigalugu pingaartuuvoq kommunip illuutaasa, timersornermut kulturimullu atatillugu ornittagaataasa innuttaasunit innarluutilinnit tikikkuminartuutinneqarnissaat. Siunissami sa-naartugassat eqqarsaatigalugit innarluutillit kommunip ilanngullugit eqqarsaatigisariaqarpai, sanaartukkallu pioreersut tikikkuminarsarlugit, taamaaliornikkut innuttaasut innarluutillit pisoqarfiusumik imartuumillu inuuneqarnissaat annertusarsinnaajumallugu.

Tikikkuminassuseq aamma digitalimik attaveqarnissamut tikikkuminassusermiippoq. Kommuni periarfissanik digitaliusunik nutaanik pilersitsigaangat innarluutillit ilanngullugit eqqarsaatigineqartassapput, qulakkeerniarlugu tamakku innarluutilinnit pisariitsumik atorneqarsinnaanissaat.

Suliffeqarneq:

Suliffeqarneq inunnut amerlasuunut inuttut naleqarnerulernermik inuunerullu siunertaqarneranik misigisitsisarpoq. Suliffeqarfimmi ataatsimoorfiusumi peqataatitaanermik misigineq imminut pitsaasumik paasinnilersitsisarpoq, nuannaarnermik inuunerinnermillu. Suliffeqarnikkut inuiaqatigiinnut akulerusimasutut misiginissamut aqqutaavoq pingaarutilik, suliffeqarnerullu tungaatigut sulisut assigiinngissuseqarnerisigut nukit-torsaaneq pisarpoq tamatuma pitsaaqutai tamaasa ilanngullugit. Innuttaasut innarluutillit amerlanerusut suliffeqarfimmiinnissaat aamma aqqutaasinnaavoq innuttaasut innarluutillit atugaasa innuttaaqataasunit paasisasaqarfiginerulernissaannut. Tamatumattaq assigiinngisitsinerit immikkoortitsiniartarnerillu ikinnerulerneri malitsigisinaavaa.

Innuttaasut innarluutillit nukinnik piginnaasanillu suliffeqarfinnit iluaqutigineqarsinnaasunik pigisaqarput, taamaattumillu Avannaata Kommuniata kissaatigaa innarluutillit amerlanerusut suliffeqarnikkut akuutinneqarnerulernissaat.

Avannaata Kommuniata innuttaasooq innarluutilik, innuttaasut ataasiakkarlugit pisariaqartitaat periarfissaallu sapinngisamik aallaavigalugit suliassaqartittussaavai.

Aaqqiissutissat pitsaasut suliffeqarnissamullu periarfissat nassaariumallugit kommunip innuttaasut, namminer-sortut Majoriarlu suleqatigerusuppai.

Inuit innarluutillit nalinginnaasumik periarfissat tunngavigalugit sulilersinnaanerminnik periarfissaqanngitsut periarfissat allat aqcutigalugit sulilersinneqarsinnaanerit qulaajarneqartassaaq, soorlu najugarisami suliffeqarfinni piginnaanngorsarnikkut aamma flexjob aqcutigalugit. Tamatuma saniatigut sannavinni illersugaasuni suliffeqarfinilu illersugaasuni sulinermit piumasaqaatit naapertuussakkat tunngavigalugit suliffissaannik neqeroorfigineqartassapput.

Inuit innarluutillit suliffissaannik neqeroorfiginerisa saniatigut susassaqtinnissaannik ataatsimoorfissaqartarnissaannillu neqeroorfigineqassapput inoqatinik ataatsimooqateqarsinnaanerit susassareqateqarsinnaanerallu periarfissaqaqqullugu.

Inuit innarluutillit siunnersooqatigiinnik maleruaqqusaq nutarterneqarpoq atuutilersinneqarluni nukittorsarniarlugit pisariaqartinneqartut, anguningassat inuit innarluutillit inuttut pisariaqartitat suleqatigiinnikkut innuttaasut pisariaqartitaat aammalu qanimut suleqatigiinneq ingerlatsinermi anguniarlungu.

Illoqarfiit tamarmik sullissisut peqataaffigisaannik pisariaqartinneqartut siunnersuisoqatigiinni ilaasortat peqatingalugit kissaatigineqartut innersuunneqartut ineriartortitsinissamut peqataatitaqartitsilissapput tassanilu kommunalbestyrelsimut siunnersuissapput aammalu innuttaasup kommunalbestyrelsip najukkami apeqcutit tamaasa polikkikkut inunnut innarluutilinnut tunngasut pillugit isummersuutininik ingerlatitseqqittassallutik.

Ilinniarneq:

Meeqqat inuusuttullu ilinniagaqarnissaat pillugit kommuni immikkut akisussaaffeqarpoq. Ilinniagaqarnerup sinnattut piviusunngortittarpei periarfissallu ammaattarlugit, kinaassuseqarnermullu isumalerujussuulluni inuunerissaar-nissamillu tunisisuulluni. Meeqqat inuusuttullu innarluutillit piginnaatitaapput pitsaasumik ilinniagaqarnissamut, tassani ilinniagaqarsinnaanermut allallu naligalugit ataatsimooqatigiiffiginissinnaasaminnik. Kommunip ilinniartiutai atuartitsinermik, periarfissanik atortorissaarutinillu neqerooruteqassapput, meeqqat inuusuttullu iluatsit-

siffiusumik ilinniagaqarnermik ingerlatsinnaanerit periarfissillugu. Ilinniarsimasunik sulisussaaleqineq anner-tusiartortillugu inuiaqatigiinni ilinniagaqarsimassuseq isumaqartinneqarnerulersussaavoq. Innuttaasut innarluutillit nukissarpassuaqarput, ilinniartitaaneq aqcutigalugu suliffeqarfinni pingaarutilinnik piginnaasaqalernissannut.

Anguniakkat:

- Innuttaasoq innarluutilik Kommuni kiffartuussinissamik neqeroorutinut allat naligalugit periarfissaqassaaq.
- Innuttaasoq innarluutilik ilinniagaqarnissamut suliffeqarnissamullu periarfissaqassaaq.
- Innuttaasut innarluutillit aqqissuussanut peqatigineqarnissamillu neqeroorfigineqassasut.
- Innuttaasut innarluutillit eqqortumik tapersorneqassapput, allat assigalugit inuiaqatigiinni peqataanissaminnut soorlu timersornermi kulturimilu pisuni.
- Kommunip illuutai periarfissarititaalu allat innuttaasunit innarluutilinnit iserfigineqarsinnaasariaqarput.